



Paaqqinniffik Sammisassaqartitsivillu Ippiarsuk
Attartu 103-107
3905 Nuussuaq

25. oktober 2023

All. nr./brevnr.:
2023-900-0004-25
Sull./sagsbeh.: MS/MH/jh/kl

Paaqqinniffimmi- Sammisassaqartitsivimmilu Ippiarsummi misissuineq

1. Aallaqqaasiut

Paaqqutarinniffimmi Sammisassaqartitsivimmilu Ippiarsummi (matuma kingornatigut Ippiarsummik taaneqartartussami) Nuummiittumi misissuineq siumut ili-masaarutigineqareersimasoq Ombudsmandeqarfimmit misissuiaortunit 8. aamma 9. juni 2023-mi ingerlanneqarpoq. Misissuineq taanna Ombudsmandip ataatsimut sulineranut ilaattillugu ingerlanneqarpoq, taamaalillunilu naammagittaaliuummik aalajangersimasumik tunngaveqarani misissuinerulluni.

Misissuinerup inatsiseqartitsinikkut tunngavia pillugu paasissutissat nalunaarusiamut ilanngussamiittut innersuussutigaakka.

Misissuiaortut tassaapput immikkut siunnersorti Maliina L. Hansen, immikkut siunnersorti Monica Schnügger aamma oqalutsit/nutserisut pisortaat Jørgen Hansen Ombudsmandeqarfimmeersut.

Utoqqarnut tunngasunik suliassaqarfiup pisortaa Karen Lund Mølgaard Kommuneqarfik Sermersumi (matuma kingornatigut kommunimik taaneqartartussami) Atugarissaarnermik Suliffeqarnermillu Ingerlatsivimmeersoq misissuinerup ilaani najuuppoq.

Misissuinermi eqqartorneqartut ilaannaat pisariaqartut nalunaarusiamti matumani ilanngunneqarput.

2. Misissuinerup piareersarneqarnera ingerlanneqarneralu

Ippiarsuk misissuartussamaarnermik oqarasuaatikkut 4. maj 2023-mi ilisimatin-neqarpoq, misissuinerlu pillugu paassisutissat amerlanerusut allakkatigut 11. maj 2023-meersutigut tigullugit. Ippiarsuk tamatumunnga peqatigitillugu qinnuigaara sulisut, najugaqartut ilaquaasullu tamaasa misissuissamaarnermik misissuia-tortunillu oqaloqateqarnissamut periarfissaqarnerannik ilisimateqqullugit.

Kommunimi ingerlatsivik misissuartussamaarnermik allakkatigut 11. maj 2023-meersukkut ilisimatinneqarpoq. Ingerlatsiviup misissuinerup ilaani erseqqinneru-sumik isumaqtigiissutigineqartumi alapernaasertitaasutut peqataasinnaanera tamatumunnga peqatigitillugu neqeroorutigaara, tamannalu ingerlatsiviup kis-saatigippagu ilisimateqqullunga. Utoqqarnut tunngasunik suliassaqarfiup pisortaa Karen Lund Mølgaard misissuinerup ilaani tamanna tunngavigalugu peqataavoq.

Paaqqinniffik najugaqartullu pillugit allakkatigut paassisutissat assigiinngitsut mi-sissuineq sioqqullugu Ippiarsummit tiguakka.

Ippiarsummi pisortaqtigiit sinnisaat, tassalu pisortaagallartoq taassumalu tul-lersortigigallagaa, misissuartortunit misissuinermi oqaloqatigineqarput. Taakkua saniatigut sulisut aqcanillit, najugaqartut sisamat ilaquaasullu 13-it ataasiak-kaarlugit ataatsimoortukkaarlugilluunniit misissuartortunit oqaloqatigineqarput.

Ippiarsuup initai misissuartortunit aammattaaq misissorneqarput.

3. Ippiarsuk pillugu ataatsimut oqaatigisassat

Ippiarsuk Nuummiuttoq Kommuneqarfik Sermersuup utoqqarnik paaqqinniffiuti-gaa.

Ippiarsuup immikkoortortaqarfii tassaapput Kammiut, Arriitsut aamma Tikitaq. Kammiut Arriitsullu immikkoortortaqarfipput nalinginnaasut, Tikitarlu najuga-qartunut puigortunnortunut immikkoortortaqarfippluni.

Ippiarsummut atasumik sammisassaqartitsiveqarpoq innarluutilinnullu inuusun-nerusunut immikkoortortaqarfik Pakkutaq Ippiarsummut aamma atalluni.

Misissuineq 8. aamma 9. juni 2023-mi ingerlanneqarpoq, taamaallaalli immikkoortortaqarfinnut Kammiummut, Arriitsunut Tikitamullu sammitinneqarluni. Immikkoortortaqarfiiit pingasut taakku tulliuttuni Ippiarsummik taaneqartassapput.

Ippiarsummi misissuinerup nalaani najugaqartut 31-upput.

4. Ombudsmandip pingarnerusutigut naliliinera

Ippiarsuk paaqqinniffittut pisortaqatigiit annertuumik suliniuteqarusunermik takutitsiffigaattut pingarnerusutigut paasiaqarfigaara.

Paasisara unaavoq najugaqartut sapinngisamik pitsaanerpaamik paaqqutarineqarnissaat isumassorneqarnissaallu kiisalu najugaqartunut pissaanermik sapinngisamik annertunerpaatigut atuinaveersaartoqarnissaa pisortaqatigiit sulisullu kissaatigigaat.

Pissutsit arlallit oqaaseqaateqarnissannut pissutissaqalersippaannga. Taakku tuliuuttuni imm. 5-imit 9-mut allaaserineqarput.

5. Pissaanermik atuisarneq pillugu inatsit

5.1. Pissaanermik atuisarneq pillugu inatsimmik tunniussisarneq inatsimillu taassuminnga ilisimasaqassuseq

5.1.1. Misissuinermi paasisat

Pisortaqatigiit misissuiartortunut misissuinermi oqaatigaat pissaanermik atuisarneq pillugu inatsisip nutaap, isumaginninnermik suliassaqarfimmi pissaanermik atuineq pillugu Inatsisartut inatsisaata nr. 8-p, 20. juni 2022-meersup (matuma kingornatigut pissaanermik atuisarneq pillugu inatsimmik taaneqartartussap), 1. januar 2023-mi atuutilersimanera eqqumaffigisimanngikkitsik.

Pisortaqatigiit taamatuttaaq oqaatigaat sulisut arlaannaalluunniit pissaanermik atuisarneq pillugu inatsisip assilineranik tunineqarsimanngitsoq, sulisullu pissaa-

nermik atuisarneq pillugu inatsisip imarisaanik ilitsorsorneqarsimannngitsut. Tammaa sulisunit misissuartortut oqaloqatigisaannit arlalinnit taamatuttaaq uppernarsarneqarpoq.

Sulisut misissuartortunit oqaloqatigineqartut arlallit oqaatigaat pissaanermik atuisarneq pillugu inatsimmi malittarisassat naammattumik ilisimasaqarfiginngikitik, annertunerusumillu paassisutissiisoqartarnissaa ilinniartitsisoqartarnissaa-luunniit ujartorlugu. Sulisut arlallit oqaatigaat kommunip puigortunngortunut tunngasuni ataqtigiissaarisup pissaanermik atuisarneq pillugu inatsimmik iliniartissimagaatik.

Sulisut misissuartortunit oqaloqatigineqartut tamarmik oqaatigaat pissaanermik atueqquaannginnertik nalunngikkitsik, pisortaqtigiillu taamatuttaaq oqaatigalugu sulisut pissaanermik najugaqartunut atuisannginnissaannik eqqaasinneqartuartartut.

Kiisalu pisortaqtigiit oqaatigaat paassisutissat sulisunut nutaanut ilitsersuinerup ilaatust ilaasut massakkut misissorlugit nutarterlugillu aallartissimagitik. Pisortaqtigiit tamatumunnga atatillugu oqaatigaat pissaanermik atuisarneq pillugu inatsimmik tunniussisarnerup taassumalu imarisaanik ilitsersuisarnerup sulisunut nutaanut ilitsersuinerup ilagisalissagaa eqqumaffiginiaritsik.

5.1.2. Inatsiseqartitsinikkut tunngavigisaq

Pissaanermik atuisarneq pillugu inatsimmi § 2, imm. 1-ikkut aalajangersarneqarpoq utoqqarnik paaqqinniffinni sulisut pissaanermik atuisarneq pillugu inatsisip assilineranik tunineqartassasut. Taamatuttaaq tassani aalajangersarneqarpoq sulisut pissaanermik atuisarneq pillugu inatsimmik tigusaqarsimanertik inatsisillu imarisaanik ilitsorsorneqarsimanertik atsiornermikkut upernarsartassagaat.

Pissaanermik atuisarneq pillugu inatsimmi § 2-kkut aalajangersarneqarpoq:

“§ 2. Inatsisartut inatsisaanni matumani ilaatinneqartuni ulloq unnuarlu paaqqinnittarfinni, najugaqarfinni illersugaasuni, ulloq unnuarlu neqeroorutini aamma utoqqarnik paaqqinniffinni, Inatsisartut inatsisaata massuma assillugu sanaqqinneqarneranik sulisut tamarmik tigusissapput taassumalu imarisai pillugit ilitsersunneqassallutik. Su-

lisup tigusinini imarisaanillu ilitsersuunneqarnini pillugit uppermarsaammik allaganngorlugu atsiussaaq.

Imm. 2. Inatsisartut inatsisaata massuma assilillugu sanaqqinnejneranik tunnus-sinissaq imarisaalu pillugit ilitsersuinissaq aqutsisup taassumaluunniit tullersortaata pisussaaffigaa."

Aalajangersagaq taanna pillugu oqaaseqaatinit makku erserput:

"Imm. 1-imut

Inuit ulloq unnuarlu paaqqinnittarfinni, ulloq unnuarlu neqeroorutini, najugaqarfinni il-lersugaasuni utoqqarnullu paaqqinnittarfinni sulisut, pissaanermik atuineq pillugu ma-littarisassat suut atuunnersut pillugit ilinniartinneqarsimanissaat tunngaviusumik pis-riaqarpoq.

Sulisunut nutaanut tamanut ilisarititsinermi taamaammat pissaanermik atuineq pillugu malittarisassat atorneqarnissaat eqqartorneqassapput. Tassani atorfinitstaanerup qa-noq sivisutiginera apeqquutanngilaq. Taamaammat piffissami killilimmi imaluunniit naatsorsuutigineqartutut sivikitsuinnarmik atorfinitstsinsinerni ilisarititsisoqassaaq.

Malittarisassanik tigusinini pissaanermillu atuineq pillugu sulilersup suliaqarfissaani pissaanermik atuineq pillugu malittarisassat pillugit pinngitsuugassaanngitsumik ilit-sersuunneqarnini pillugit uppermarsaammik allaganngorlugu sulisoq atsiussaaq.

Suliassaqarfinni pissaanermik atuiffiusuni sulisut, ulloq unnuarlu paaqqinnittarfinni, ul-loq unnuarlu neqeroorutini aamma utoqqarnik paaqqinniffinni malittarisassat atorne-qartut pillugit paasinninnissaat aalajangersakkami siunertarineqarpoq.

Sulisup Inatsisartut inatsisaata assilineranik taamaallaat tunineqarnera taamaammat naammanngilaq. Sulisoq malittarisassat atorneqarnissaannut aamma ilitsersorneqas-saaq, taamaalilluni sulisup malittarisassat najugaqarfinni ataasiakkaani atorneqarnis-saat paassisammagu. Atsiorlugu uppermarsaanermigut sulisup malittarisassanik tigusisimanini paasinnissimaninilu uppermarsassavaa.

Imm. 2-mut

Suliassaqarfimmi naleqquttumi malittarisassat pillugit ilitsersuinermut akisussaasuu-neq aqutsisumiippoq imaluunniit taassuma tullersortaaniilluni. Aqutsisup ilitsersuinis-samik pisussaaffiup sulisunut allamut tuniussisinnaanera akornutissaqanngilaq.

Naggataani sulisup Inatsisartut inatsisaannik tunineqarnissaa, sulisullu imaa atorneqarnissaalu pillugit naammattumik ilitsorsorneqarnissaa aqutsisup taassumaluunniit tullersortaata akisussaaffigaa."

5.1.3. Naliliineq

Uanga naliliinera unaavoq pissaanermik atuisarneq pillugu inatsisip assilinerata sulisunut tunniunneqartarnissaata pisussaaffiunera pisortaqatigiit ilisimasimanngikkaat.

Uanga naliliinera taamatuttaaq unaavoq pissaanermik atuisarneq pillugu inatsisip imarisaata atorneqarneratalu sulisusunut ilitsersuutigineqartarnissaata pisussaaffiunera pisortaqatigiit ilisimasimanngikkaat.

Kiisalu uanga naliliinera unaavoq sulisut pissaanermik atuisarneq pillugu inatsimi malittarisassat ilisimanngikkaat, naak pissaanermik atuinaveersaarnissartik eqqumaffigigaluarlugu.

Utoqqarnik paaqqinniffimmi pisunik najugaqartoq pisariaqartumik paaqqutariummallugu isumassorumallugulu pissaanermik atuiffiusariaqartunik pilersoqarsinnanera paasisinnaavara.

Tamannali eqqarsaatigalugu aalajangiisusoq unaavoq sulisut najugaqartunut pissaanermik atueriaatsinik inatsimmik unioqqutitsisuunngitsuinnarnik atuisasasut, taamatullu pissaanermik atuineq najugaqartup inatsiseqartitsinikkut innarlitsaalineqarnera unioqqutinnagu pisassasoq.

Uanga naliliinera unaavoq taamaaliortoqassappat pissaanermik atuisarneq pillugu inatsimmi malittarisassanik ilisimasaqarnissaq piumasaqaataasoq.

Aammattaaq maluginiarpara pisortaqatigiinnit nalunaarutigineqarmat sulisut nutaat tamarmik ilisaritinneqarnerannut atatillugu ilitsersuutit il.il. tunniunneqartalissammata.

Nalunaaruusiaagallartoq tunngavigalugu kommunimit oqaatigineqarpoq misissuisoqareernerata kingornatigut Ippiarsuk iliuuseqarsimasoq, tassa

isumagineqartalissassoq sulisut tamarmik pissaanermik atuineq pillugu inatsisip assilineranik kiisalu tamanna pillugu ilitsersuummik tunineqartalernissaat. Taamatullu aamma ilitsersuutip tiguneronut sulisut uppermarsaallutik atsiornermik tunniussisalissasut.

Ippiarsuup pissaanermik atuisarneq pillugu inatsisip nutaap 1. januar 2023-mi atuutilersimaneranik eqqumaffiginnissimannnginnera pitsaanngitsutut isigaara.

Pisortaqatigiit pissaanermik atuisarneq pillugu inatsisip sulisunut tunniunneqartarnissaanik qulakkeerinissimannnginnerat kiisalu sulisut pissaanermik atuisarneq pillugu inatsisip imarisaanik qanorlu atorneqarnissaanik ilitsersorneqartarsimannnginnerat tamatumunnga uiggiullugu isorisarialittut isigaara.

Kommunimit oqaaseqaatit tusaatissatut tiguakka immikkoortortarlu taanna pillugu allamik iliuuseqaqqissanngilanga.

5.2. Pissaanermik atuinernik nalunaarutiginnittarneq

5.2.1. Misissuinermi paasisat

Utoqqarnik paaqqinniffik najugaqartullu pillugit paassisutissat assigiinngitsut misissuineq sioqqullugu Ippiarsummit allakkatigut tiguakka.

Immersugassaq 2021-imi pisumi ataatsimi pissaanermik atuisoqarsimaneranik kiisalu 2023-mi pisumi ataatsimi pissaanermik atuisoqarsimaneranik takussutisiisoq ilaatigut tiguara. Pisunik pissaanermik atuiffiusimasunik taakkuninnnga nalunaarutiginninnermi immersukkat assilineri taamatuttaaq tiguakka.

Pisortaqatigiit misissuinermi oqaatigaat pissaanermik atuisarneq Ippiarsummi nalinginnaasumik ileqquunngitsoq, sulisullu pissaanermik atuisassannginnerat pisortaqatigiit sulisunut eqqaasitsissutigiuartaraat.

Pisortaqatigiit taamatuttaaq oqaatigaat pissaanermik atuinissamut siumut akuersissutinik massakkut peqanngitsoq.

Sulisut misissuiartortunit oqaloqatigineqartut amerlanersaasa oqaatigaat pisunik pissaanermik atuiffiusimasunik ilisimasaqaratik pisuniluunniit pissaanermik atuiffiusuni peqataasimanatik.

Immikkoortortaqarfimmi Tikitami sulisut arlallit oqaatigaat najugaqartut nangiinik taarsiinnermut atatillugu najuqartut aalajangerlugit tigummineqarnerisigut pissaanermik ilaanneeriarlutik atuisariaqartarsimallutik. Sulisut oqaluttuaraat pisut ilaanni pisumik nalunaarutiginnittussaatitaanertik nalunngikkitsik, pisunilu taamaattuni suliamik pisortarisaminnut saqqummiussisarlutik.

5.2.2. Inatsiseqartitsinikkut tunngavigisaq

Pissaanermik atuineq sunalunniit utoqqarnik paaqqinniffimmit nalunaarsorneqartussaavoq, kommunimilu uninngavigisami communalbestyrelsimit, kommunimut najugarivitamut Naalakkersuisunullu nalunaarutigineqartussaalluni, tak. pissaanermik atuisarneq pillugu inatsimmi § 48, imm. 1. Nalunaarutiginninnermi immersugassat immikkut ittut Naalakkersuisunit suliarineqarsimasut nalunaarsuinermi nalunaarutiginninnermilu atorneqartartussaapput, tak. § 48, imm. 2.

Pissaanermik atuinissamut piginnaatitsissut siumut akuerisaq pigineqanngippat ingerlaannartumik kingusinnerpaamillu iliuuseqarfiginninnerup aqaguani nalunaarsuisoqartassaaq. Tamanna pissaanermik atuisarneq pillugu inatsimmi § 49, imm. 1, nr. 1-ikkut aalajangersarneqarpoq.

Pissaanermik atuinissamut piginnaatitsissut siumut akuerisaq pigineqanngippat pissaanermik atuinikkut iliuuseqarfiginninnerit nalunaarsorneqartut ingerlaanaq akuliunnerullu pineranit kingusinnerpaamik ullaat pingasut qaangiutsinnagit kommunimi uninngavigisami communalbestyrelsimit, kommunimut najugarivitamut aamma Naalakkersuisunut nalunaarutigineqartartussaapput, tak. pissaanermik atuisarneq pillugu inatsimmi § 49, imm. 2.

Aalajangiilluni tigumminninnermut, timikkut eqqiluisaarnermut, ujatsiutinik annoraaminernik atuinermut, kalerrisaarerriaatsinik sumiiffissiueriaatsinillu inummut atasunik atuinermut, matunik ammaassutinik immikkut ittunik atuinermut inigisamillu anitsaaliuinermut atatillugu pissaanermik atuineq pineqarpat akuliun-

neq ingerlaannartumik kingusinnerpaamillu ullup akuliuffiusup aqaguani nalunaarsorneqassaaq.

Tamanna pissaanermik atuisarneq pillugu inatsimmi § 50, imm. 1-ikkut aalajangersarneqarpoq. Iliuuserineqartut nalunaarsorneqartut kommunimi uninngavigisami kommunalbestyrelsimit, kommunimut najugarivitamut aamma Naalakkersuisunut qaamatikkaartumik nalunaarutigineqartartussaapput. Tamanna pissaanermik atuisarneq pillugu inatsimmi § 50, imm. 2-kkut aalajangersarneqarpoq.

5.2.3. Inassutigisaq

Uanga naliliinera unaavoq Ippiarsummi sulisut pissaanermik atuisarneq pillugu inatsimmi pissaanermik atuinerit assigiinngitsut pillugit nalunaarsuisussaatitaaneq nalunaarutiginnittussaatitaanerlu pillugit malittarisassanik naammattumik ilisimasaqanngitsut.

Utoqqarnik paaqqinniffimmi pisunik najugaqartoq pisariaqartumik paaqqutarisin-naajumallugu isumassorsinnaajumallugulu pissaanermik atuiffiusariaqartunik pilersoqarsinnaasarnera qulaani oqaatigineqartutut paasisinnaavara.

Malugaraa pisortaqtigiit sulisullu oqaatigigaat pissaanermik atuisarneq Ippiarsummi nalinginnaasumik ileqqunngitsoq, sulisullu najugaqartunut pissaanermik atuisassannginnerannik eqqaasinneqartuartartut. Uanga paasinneqqaarnera taaamatuttaaq unaavoq Ippiarsummi pissaanermik atuisarneq annertunngitsoq.

Paasissutissiissutigineqartulli aallaavigalugit tunngaviutittariaqarpala siusinner-sukkut pisoqartarsimasoq sulilu pisoqartartoq pissaanermik atuiffiusunik, taakku-lu pisut kingornatigut pissaanermik atuisarneq pillugu inatsimmi tamanna pillugu malittarisassat tunngavigalugit nalunaarutigineqartarsimanngitsut.

Pisut Ippiarsummi najugaqartunut pissaanermik atuiffiusut ilaannaannik Ippiar-suup nalunaarutiginnittarsimanera isorisarialittut isigaara.

Pisut pissaanermik atuiffiusut tamarmik pissaanermik atuisarneq pillugu inatsim-mi tamanna pillugu malittarisassat tunngavigalugit siunissami nalunaarsorneqar-

tarnissaat nalunaarutigineqartarnissaallu Ippiarsuup qulakkiissagaa inassutigaa-ra.

5.3. Matunik parnaarsuisarneq

5.3.1. Misissuinermi paasisat

Pisortaqtigiit misissuinermi oqaatigaat immikkoortortaqarfimmi Tikitami najugaqartoqartoq aniniartartorujussuarmik. Najugaqartoq taanna anigajuttarpoq pisuttuartarlunilu, taamaattumillu sulisut najugaqartoq taanna malittariaqartarpaat imaluunniit aasariaqartarpaat immikkoortortaqarfimmullu oqqutta-riaqartarlugu.

Pisortaqtigiit aamma oqaatigaat immikkoortortaqarfimmut matu massakkut parnaasaatilersorneqarsimasoq, najugaqartoq aniniartartoq taanna illersor-niarlugu. Parnaasaatit taakku misissuineq qaammatit marluk mis-saat sioqqullugu ikkussorneqarsimapput.

Misissuertut misissuinermi maluginiarpaat immikkoortortaqarfimmut Tikitami matutuaasumi parnaarsaatit marluk illersartullit matup teqeequata quiliup teqeequatalu alliup killinganut ikkunneqarsimasut, kiisalu kalunnertalim-mik parnaarsaat aamma ikkunneqarsimasoq. Immikkoortortaqarfimmut matu misissuinerup nalaani ammavoq.

Sulisut arlallit oqaatigaat parnaarsaatit taakku kommunip ingerlatsiviani sulisup ikkussortissimagai, sulisullu peqqusimagai matu parnaarsimajuaannaqqullugu. Sulisut oqarput innuttaasut najugaqartumik qaatigooqarani illoqarfimmi angalaartumik takusaqartarsimasut saaffiginnittarsimancerat pissutigalugu taamaalior-toqarsimasoq.

Sulisut taamatuttaaq oqaatigaat najugaqartoq pineqartoq matu parnaarsimagaangat assut sukasimaartartoq, oqartarsimallunilu “parnaarussivimmiittutut” misigisimalluni. Sulisut matu tamanna tunngavigalugu ulluni arlalinni ammatissimavaat, tamannalu najugaqartumut eqqissisimancerulersitsisimasutut toqqissisimamerulersitsisimasutullu issimavoq.

Misissuartortut pisortaqtiginnik inaarutaasumik ataatsimeeqateqarnerminni pissaanermik atuisarneq pillugu inatsimmi matunik ammaatinik immikkut ittunik atuisarneq pillugu malittarisassat saqqummiuppaat. Pisortaqtigiiit tamatuma kingornatigut oqaatigaat parnaarsaatit taakku Ippiarsuup piiarniarai.

Kommunip misissuinerup kingornatigut uannut oqaatigaa kommunimi ingerlatsivimi sulisup puigortunngortunut immikkoortortaqarfimmi sulisut puigortunngortunut immikkoortortaqarfimmut matumi parnaasaatit ikkussoqqullugit ilit-sensorsimagai.

5.3.2. Inatsiseqartitsinakkut tunngavigisaq

Pissaanermik atuisarneq pillugu inatsimmi § 42-kkut makku aalajangersarneqarput:

“§ 42. Najugaqariaatsimi aqtsisup, taassumaluunniit tullersortaata matuni silarlerni matunik ammaassutit immikkut ittut inummut ataatsimut arlaqartunulluunniit piffissami killilimmi atorsinnaagai, kommunimi angerlarsimaffigisami communalbestyrelsip aalajangersinnaavaa, imattoqarpat:

- 1) inuup inuilluunniit arlallit najugaqariaatsimik qimatsinermigut/qimatsinermikkut timmkkut annertuumik imminut allanilluunniit annertuumik ajoqsiinissaa/-t tutsuiginartumik aarlerinaateqarpat,
- 2) taamatut aarlerinerup pinngitsoortinnissaanut pisuni ataasiakkaani pissutsit tamanna pisariaqartilluinnarpassuk, aamma
- 3) Inatsisartut inatsisaanni periarfissat allat kinguneqanngitsumik atorneqareersimappata.

Imm. 2. Imm. 1 malillugu matunik ammaassutinut immikkut ittunut ilaapput matup tigummivii marloqiusat, matumik ammaaniarluni marloriarluni toorneqartussat assigisaallu. Suliniut imatut matumik parnaarsaataassanngilaq, pineqartulli killilersugaanani ingerlasinnaaneranut atatillugu kinguarsaataassalluni, taa-maalilluni sulisut maluginiarsinnaassamassuk pineqartoq anisoq. [Uanga erseqqissaanera]

Imm. 3. Imm. 1 malillugu suliniut aallartinneqarpat, najugaqartut killilersugaanatik ingerlasinnaanerat mianeriniarlugu matumi kalerrisaarummik ikkussisoqassaaq, taa-maalilluni najugaqartut matumik ammaassummik immikkut ittumik namminneq atui-sinnaangitsut matumik ammaanissamut pisariaqartitaminnik ikiorneqassammata. Najugaqartut imm. 1 malillugu suliniuteqarnermut ilaasut, § 41-mi aalajangersagaq tamatuma peqatigisaanik atorneqarpat aatsaat anitsaaliugaasinnaapput.”

5.3.3. Naliliineq

Uanga naliliinera unaavoq Ippiarsummi immikkoortortaqaifiup Tikitap matuani parnaarsaatit illersartullit marluk kalunnertalimmillu parnaarsaat matup parnaarsaaterpiaasut pissuseqartut. Pissaanermik atuisarneq pillugu inatsit matuni silarlerni parnaarsaasersuinissamut inatsisikkut tunngavissaliinngilaq. Uanga naliliinera unaavoq immikkoortortaqaarfimmut matu matutut silarlertut pissuseqartoq, immikkoortortaqaarfimmummi iserfissatut aniffissatulli matutuaagami.

Uanga naliliinera taamatuttaaq unaavoq parnaarsaatit taakku najugaqartup i-ngerlasinnaanera eqqarsaatigalugu kinguarsaataanissaat siunertaralugu ikkussorneqarsimannngitsut, najugaqartulli immikkoortortaqaarfimmit anitsaaliorneqnissaa siunertaralugu ikkussorneqarsimasut.

Pisortaqtigiit parnaasaatinik piaassamaarnerminnik oqarnerat maluginiarpara.

Nalunaaruusiaagallartoq tunngavigalugu kommunimit oqaatigineqarpoq misissuisoqareernerata kingornatigut immikkoortortaqaarfimmut Tikitamut matup parnaarsaataa peerneqarsimasoq.

Isorisarialerujussuartut isumaqarfigivara kommuni immikkoortortaqaifiup matuanut parnaasaatinik ikkussismanera pissaanermik atuineq pillugu inatsimmi tunngavissaqannngitsumik.

Kommunimit oqaaseqaatit tusaatissatut tiguakka immikkoortortarlu taanna pillugu allamik iliuuseqaaqqissanngilanga.

5.4. Pulaarnissamut periarfissanik killilersuinerit

5.4.1. Misissuinermi paasisat

Pisortaqtigiit misissuiartortunut oqaatigaat najugaqartut pulaartoqarnissaminut periarfissaat Ippiarsuup nalinginnaasumik killilersuiffigineq ajoraa.

Pisortaqtigilli pisoq oqaluttuaraat, tassanilu najugaqartumut ilaquaasoq aala-jangersimasoq oqarfigineqarsimavoq najugaqartoq pulaartarsinnaagaa, najuga-qartorli isersimaqatigalugu immiaaqqanik imeqatigisassanngikkaa. Pisortaqtigiiit oqaatigaat ilaquaasup pineqartup ileqqorigaa najugaqartup utoqqalinersiani tigugaangagit pulaartarluni, taavalu najugaqartoq taassuma aningaasaataanik immiaararsiniuteriarlugu immiaaraataanik imeqatigisarlugu.

Misissuartortut ininik misissuinermanni immikkoortortaqarfiiit ilaannut matumi al-lagarsiussaq maluginiarpaat, tassanilu ilaatigut allassimalluni inuit aalakoortut immikkoortortaqarfimmut iseqqusaannngitsut.

Misissuartortut pisoqartaqtiginnik inaarutaasumik ataatsimeeqateqarnerminni allagarsiussaq taanna apeqqutigaat. Pisortaqtigiiit oqaatigaat allagarsiussaq taanna pisariaqaleraangat atuutsinneqartartoq.

5.4.2. Inatsiseqartitsinikkut tunngavigisaq

Pissaanermik atuisarneq pillugu inatsimmi § 44-kkut aalajangersarneqarpoq u-toqqarnik paaqqinniffinni najugaqartut kimit pulaarneqarnissartik namminneq aalajangissagaat.

Pisunili aalajangersimasumi pulaartut aalajangersimasut ininut ataatsimoortar-finnut isersinnaanerisa killilersornissaannut periarfissaqarpoq.

Pissaanermik atuisarneq pillugu § 45-kkut makku aalajangersarneqarput:

“§ 45. Najugaqarfinni § 44-mi taaneqartuni ininut ataatsimoorussanut pulaartut ilaa-sa isersinnaanerat killilersorneqassasoq, kommunimi najugaqarfigisami communalbe-styrelsip aalajangersinnaavaa, imattoqarpat:

- 1) pulaartoq najugaqartunut allanut sulisunulluunniit nakuuserpat nakuusernissamil-iunniit qunusaarippat, imaluunniit allatut najugaqartut sinnerinut sulisunulluunniit u-lorianartorsiortitsisumik pissusilersuuteqarpat,
- 2) pulaartoq, timikkut nakuuserneq pineqanngikkaluartoq, najugaqartunut allanut sulisunulluunniit ajoquusersuippat imaluunniit nakkarsaappat, imaluunniit
- 3) pulaartup pissusilersornera annertuumik uumitsatsitsippat imaluunniit najugaqar-tunut allanut sulisunullu nalinginnaasumik toqqisisimanginnermik pilersitsippat.

Imm. 2. Pulaartup inigisap ilaanut najugaqartup kisimi atorsinnaasaanut isersinnaanissaa kommunalbestyrelsip imm. 1 malillugu aalajangiinermini qulakkiissavaa."

Pissaanermik atuisarneq pillugu inatsimmi § 45 pillugu oqaaseqaatinit erseroq pulaartup inini ataatsimoorussani pulaarsinnaanerata killilerneqarnissaanik aalajangiineq pulaartup pineqartup pulaarnerminik inigisap ilaani najugaqartup kisimi aalajangiivigisinnaasaani ingerlatsisarsinnaaneranut akornutaanngitsoq. Tassa imaappoq pulaartoq inigisap ilaani najugaqartup init ataatsimoortarfiusut saniatigut kisimi aalajangiivigisinnaasaaniinnaq pulaarsinnaatitaappat arlaatigut aaqqiisoqartariaqartoq. Taamatut aaqqiissutissanik nassaarniarnissaq sulisut pisussaaffigaat.

Pisuni massakkorpiaq pisariaqartitsineq eqqarsaatigalugu kommunalbestyrelsip suliamik suliarinninnissaa utaqeqnqarsinnaanngippat paaqqinniffiup pulaarsinnaanermik killilersuineq pillugu aalajangiigallarnissaanut periarfissaqarpoq. Aalajangiigallarnerli taamaattoq kommunalbestyrelsimumt akuerisassanngortillugu aalajangiinerup atuutilersinneqarnerata kingornatigut sapingnisamik pilertornerpaamik saqqummiunneqartariaqarpoq. Tamanna pissaanermik atuisarneq pillugu inatsimmi § 47-kkut aalajangersarneqarpoq.

5.4.3. Naliliineq

Paasisara unaavoq najugaqartut pulaartoqarnissamut periarfissaat Ippiarsuup nalinnginnaasumik killilersuiffiginngikkai, pisunili aalajangersimasuni inuit aalajangersimasut taakkua pissusilorsornerat pissutigalugu pulaaqqujunnaartariaqartarsimagaat.

Ippiarsuk pulaarsinnaanermik pisuni aalajangersimasuni taakkunani qanoq anertutigisumik pissaanermik atuisarneq pillugu inatsisip periarfissiissutaa qaangerlugu killilersuisarsimanersoq paasissutissat pigineqartut tunngavigalugit nalilersinnaanngilara.

Nalunaaruusiaagallartoq tunngavigalugu kommunimit oqaatigineqarpoq misissuisoqareernerata kingornatigut matukkut allagarsiussaq nutarsarneqarsimasoq, taamaalilluni Ippiarsummi malittarisassanut naaper-tuutilerluni.

Kommunimit oqaaseqaatit tusaatissatut tiguakka immikkoortortarlu taanna pillugu allamik iliuuseqaqqissangilanga.

6. Tupap pujuanik najuussuinissamut illersuineq

6.1. Misissuinermi paasisat

2017-imi misissuineq pillugu nalunaarusianni taamani misissuiartortut oqaatigaat Ippiarsummi tupap pujuata tikka malunnartumik naamaneqarsinnaasoq. Taa-maattumik taamani inassutigaara Ippiarsuup sulisut najugaqartullu tupap pujuanik najuussuinissamut illersorneqarnissaat inatsit atuuttoq tunngavigalugu suli-niutigissagaa.

Misissuiartortut 8. aamma 9. juni 2023-mi misissuinermi Ippiarsuup initaanik misissuinerminni tupap pujuata tikka sakkortooq suli naamaneqarsinnaasoq malungiarpaat.

Pisortaqtigiit misissuiartortunut oqaatigaat Ippiarsuup sulisut najugaqartullu tupap pujuanik najuussuinissamut illersorneqarnissaat suliniutigissagaa 2017-imi inassutigigakkuli sulisut najugaqartullu tupap pujuanik najuussuinissamut illersorniarlugit suliniutit Ippiarsuup aallartissimanngikkai.

Pisortaqtigiit tamatumunnga atatillugu oqaatigaat najugaqartorpassuit ineeqqaminni pujortartartut, tupallu pujuata tikka sulisunut, najugaqartunut ilaquaasunullu akornutaasartoq. Pisortaqtigiit oqaatigaat najugaqartut pujortassagaangamik ineeqqamik matui matusimasaqqullugit qinnuigineqarsimasut.

Immikkoortaqarfinni tamani ataatsimik marlunnilluunniit silaannarmik saliis-suteqarpoq. Paasisara unaavoq Ippiarsuk silaannarmik saliissutinik amerlanerunsik 2017-imi misissuinerma kingornatigut pisismangitsoq. Pisortaqtigiit oqaatigaat Ippiarsuup silaannarmik saliissutinik pisinissamut aningaasaliisoqrnissaa kommunimut qinnuteqaatigisimagaa, itigartinneqarsimallunili.

Najugaqartup misissuiartortunut oqaatigaa tupap pujuata tikanik najugartut al-lat ineeraanninngaannersumik assut ajornartorsiuteqarluni. Najugaqartoq taanna

oqarpoq tupap pujuata tikkanit akornusersorneqangaarami allaat ineeqqamut allamut nuunnissani kissaatigilersimallugu.

Taassuma saniatigut sulisut pingasut tupap pujuata tikkanit akornusersorneqartutut misigisimallutik oqaatigaat.

6.2. Inatsiseqartitsinikkut tunngavigisaq

Oqaatigaara pujortartarnermik inerteqquteqarneq pillugu Inatsisartut inatsisaati-gut nr. 15-ikkut, 26. maj 2010-meersukkut (matuma kingornatigut pujortartar-neq pillugu inatsimmik taaneqartartussakkut) ilaatigut makku aalajangersarne-qarmata:

“§ 5. [...]

Imm. 2. Paaqqinniffik paaqqinniffimmi sulisut najugaqartullu allat pujortanngikka-luarlutik tupap pujuanik najuussuinissaannut illorsorniarlugit sunniuteqarluartunik su-liniuteqassaaq. Paqqinniffiup najuqartut peqqusinnaavai sulisut ineeqqami inissiami-luunniit namminerisatut angerlarsimaffittut atuuttumi isersimatillugit pujortartaqquna-git.”

Pujortartarneq pillugu inatsit piareersarlugu suliani aalajangersakkat ataasiak-kaat pillugit oqaaseqaatini § 5 pillugu ilaatigut makku oqaatigineqarput:

“Sukumiisunik qulakkeerinermut tunngatillugu pisuni ataasiakkaani naliliineq apeqqutaavoq. Ineeraq namminerisamilluunniit inigisaq pujortarfiusoq sullissiviup iluani init allat eqqarsaatigalugit soorunami matuneqarsinnaasuussaaq. Tamatuma saniatigut ineeqqat ataasiakkaat pujortareernerup kingornatigut silaannarissarneqartassasut su-liffeqarfiup peqqusissutigisinnaavaa.

Sulisut najugaqartullu sinnerisa illersorneqarnissaat qulakkeerniarlugu annertunerusu-mik suliniuteqartoqarnissaas pisariaqartinneqarpat inini ataasiakkaani pisariaqarneratut annertutigisumik silaannarissarfilersuisoqarsinnaavoq.”

6.3. Naliliineq

Ippiarsuup najugaqartut pujortassagunik ineqqamik matui matusaqullugit najugaqartunut kaammattuinermigut silaannarmillu saliissutinik ikkussuinermigut tupap pujuanik najuussuinissamut illersuiniarlarinera maluginiarpara.

Misissuartortulli namminneq takusaat kiisalu sulisut oqaatigisaat tunngavigalugit naliliivunga tupap pujuanik najuussuinissamik pinaveersaartitsiniarluni suliniutit naammattumik sunniuteqanngitsut.

Nalunaaruusiaagallartoq tunngavigalugu kommunimit oqaatigineqarpoq, misissuisoqareernerata kingornatigut iliuuseqartoqarsimasoq putsumik najuussuisarnermut illersuinissaq pillugu, ilaatigut Ippiarsummut silaannarmut saligutinik nutaanik pisisoqarsimalluni.

Ippiarsuup 2017-imit 2023-mut sulusunik najugaqartunillu tupap pujuanik najuussuinissamut illersuiniarluni suliniutinik aallartitsisimannginnerra isorisarialittut isigaara.

Kommunimit oqaaseqaatit tusaatissatut tiguakka immikkoortortarlu taanna pillugu allamik iliuuseqaqqissanngilanga.

7. Kommunimik suleqateqarneq

Ippiarsuup kommunimik suleqateqarnera eqqarsaatigalugu pissutsit arlallit ul-liunnarni ingerlatsinermut ajornartorsiutissaqartitsisut pisortaqtigiit misissuartortunut erseqqissarlugit oqaatigaat.

7.1. Sulisut pillugit takussutissiaq

Pisortaqtigiit misissuartortunut oqaatigaat Ippiarsuup kommu sulisut qassit aalajangersimasumik atorfekartitaanerat, qassit piffissap ilaannaanoortumik atorfekartitaanerat, qassit taartaasartuunerat il.il. pillugit takussutissiamik qinnu-gisimagaa.

Paasisara unaavoq takussutissiaq taamaattoq pigineqanngitsoq kiisalu takussutissiaq taamaattoq suliarineqarsinnaanngitsoq kommunip Ippiarsummut oqaatigisimagaa.

Taamaattumik Ippiarsummi pisortaqtigiiit atorfeqartitaanermut tunngasut pillugit namminneq takussutissiaatertik suliarilersimavaat.

Nalunaaruusiaagallartoq tunngavigalugu kommunimit oqaatigineqarpoq misissuisoqareernerata kingornatigut Ippiarsummi pisortaqtigiiinnit paaqqinniffimmi atorfeqartitsinerit tamakkerluginit misissorneqarsimasut. Taamanna tunngavigalugu takussutissaliortoqarvoq atorqartitaanermi inisisimaneri oqaatigineqartumik.

7.2. Eqqiaanermi atortut

Pisortaqtigiiit oqaatigaat kommuni tassaasoq eqqiaanermi atortut suut Ippiarsummi atorneqarnissaannik aalajangiisartoq.

Pisortaqtigiiit tamatumunnga atatillugu oqaatigaat eqqiaanermi atortut kommunip pisarisartagai tipigissaatitaqarajuttartut imaluunniit sapigaqalersitsisinhaasunik allanik akoqarajuttartut. Pisortaqtigiiit pingaartumik sulisoq ataaseq oqaatigaat, taannalu eqqiaanermi atortut taakku pissutigalugit qinngami qinnguani suluaqqani aseruuttoorneqartuaannartuusimavoq.

Paasisara unaavoq Ippiarsuup kommuni ajornartorsiut taanna pillugu attaveqarfingisimaga, ajornartorsiulli suli atuuttoq.

Pisortaqtigiiit tamatumunnga atatillugu oqaatigaat kommunip suliariumannittus-sarsiuussinernik suliariinninnerani peqataatinneqarneq ajorlutik.

Nalunaaruusiaagallartoq tunngavigalugu kommunimit oqaatigineqarpoq misissuisoqareernerata kingornatigut atortussanik tipigissaatitaqanngitsunik pissarsisoqarsimasoq ajornartorsiullu aaqqiivigineqartutut isagineqartoq.

7.3. Nerisat

Pisortaqtigiiit misissuiartortunut oqaatigaat kommunip nerisassanik pisiniartarneq avataaneersumut suliassangortissimaga, taamaattumillu Ippiarsuk suliffeqarfiup aalajangersimasup taassuma saniatigut allanut pisiniarnissaminut periarfissaqanngitsoq. Tassa ilaatigut imaappoq Ippiarsuk suliffeqarfimmik taassu-

minnga suleqateqarnissaq pillugu isumaqatigiissut pissutigalugu kalaallit tunisiaannik pisinissaminut periarfissaqanngitsoq.

Misissuartortut najugaqartunik ilaquaasunillu arlalinnik oqaloqateqarput, taakkulu oqaatigaat nerisassat naammagisimaanngikkikitik kiisalu nerisassanik utoq-qarnut naleqqutinngitsunik sassaallertoqartartoq. Ilaquaasup oqaatigaa anaanani naammatsilluni nerineq ajortoq.

Immikkoortortaqarfinni tamani iggaveeraqarpoq, najugaqartut ilaquaasalu nammineq atorsinnaasaannik. Sulisup oqaatigaa iggaveeraq immikkoortortaqarfimi suliffigisaminiittoq eqqiluisaaruminaatsuusoq.

Nalunaaruusiaagallartoq tunngavigalugu kommunimit oqaatigineqarpoq misissuisoqareernerata kingornatigut nerisassat pitsaanerulerterneqarnissaat pillugu iliuuseqarneq aallartinneqarsimasoq aammalu pisortaqatigiinnit pilersaarutaasoq najugaqartut tusarniarneqartarnissaat suna nererusunerunerluni kissaatigineraat nerisaat allanngorartinnerujumallugit.

7.4. Kiassaaneq

Pisortaqatigiit misissuartortunut oqaatigaat inini kiassaatit ilaat Ippiarsuup nammineq aquassinnaagai, ininili allani kiassaatit ilaat qitiusumiit aqunneqartut. Pisortaqatigiit ilaata oqaatigaa kiassaatit ilaasa qitiusumit aqunneqarnerisa paasiniarneqarneranni qaammatit arfineq pingasut atorneqarsimasut.

Paasisara unaavoq kiassaatit qitiusumik aqunneqartut Danmarkimi suliffeqarfimmit aqunneqartut, kissassuserlu aaqqinniarneqassappat suliffeqarfik Danmarkimiittooq taanna attaveqarfigineqartariaqartartoq.

Pisortaqatigiit pisoq oqaluttuaraat, tassanilu najugaqartoq ineeqqamini isersimasimavoq kiassaatit qitiusumik aqunneqartut taakku 35 gradinut kissassusilerneqarsimasut. Misissuartortut paasisaat unaavoq najugaqartoq taanna ineeqqaminit nammineerluni anisinnaasimanngitsoq.

Pisortaqtigiiit aammattaaq oqaatigaat erngup kissassusissaa Danmarkimit qitiusumik aqunneqartoq. Pisortaqtigiiit oqaatigaat COVID-19 pissutigalugu matusinerup kingulliup nalaani qaammatini marlunni imermik kissartoqarsimanatik.

Misissuartortut paasisaat unaavoq Ippiarsuup kiassaaitit erngullu kissassusissaat nammineq aquassinnaajumallugu kommuni attaveqarfigisimagaa, kommunili ikuussinnaasimanngitsoq.

Nalunaaruusiaagallartoq tunngavigalugu kommunimit oqaatigineqarpoq misissuisoqareernerata kingornatigut misissuisartut attavagineqartalersimasut aamma ajornartorsiutip qaangerniarnissaanut suliniut aallartinneqarsimasoq.

7.5. Naliliineq

Pisortaqtigiiit immikkoortut qulaani taaneqartut pillugit kommunimi ingerlatsivimmik suleqateqarneq pillugu oqaluttuarisaat ernumanartutut isigaakka.

Pingaartumik najugaqartut ilaasa namminneq ineeqqaminni kissassutsimik aqut-sisinnannginnerat kiisalu Ippiarsuup piffissat ilaanni kissartumik imeqartarsi-mannginna era ernumanartutut isigaakka.

Nalunaaruusiaagallartoq tunngavigalugu kommunimit oqaatigineqarpoq misissuisoqareernerata kingornatigut oqaaseqaatit tusaatissatut tiguakka immikkoortortarlu taanna pillugu allamik iliuuseqaqqissanngilanga.

8. Sulisoqarniannikkut ajornartorsiutit

8.1. Misissuinermi paasisat

2017-imi misissuineq pillugu nalunaarusianni taamani pisortaqtigiiit, sulisut, ilaquaasut kiisalu najugaqartut oqaatigaat Ippiarsuk sulisoqarniannikkut ajornartorsiortorujussusoq. Taamani atorfiiit arlallit inuttaqanngillat, napparsimallutik sulinngitsoortartut amerlasoorpassuullutik sulisullu ilinniagaqarsimanngitsut taarseraattorujussuullutik. Taamani tamanna tunngavigalugu kaammattuutigaa-ra Ippiarsuk – pisariaqarpal kommunimi ingerlatsivik suleqatigalugu – sulisoqarniarneq pitsaanerulersinniarlugu suliniutinik aallartitsisoqarnissaanik isumaliutesuuteqassasoq.

Ippiarsummi massakkut misissuineq sioqqullugu paaqinniffik qinnuigaara ukiup kingulliup iluani ajornartorsiutit annertuit Ippiarsuup misigisimasai allaasereq-qullugit.

Ippiarsuup uannut allakkamini erseqqissarlugu oqaatigaa sulisut napparsimallutik sulinngitsoortartut amerlasoorujussusut. Ippiarsuup taamatuttaaq oqaatigaa sulisut arlallit napparsimasutut massakkut nalunaarsimasut. Ippiarsuup aammat-taaq oqaatigaa ajornartorsiutimik annerpaat ilaat tassaasoq sulisunik ilinniarsi-masunik sulisussarsiniartarneq.

Ippiarsuk 2022-mili aalajangersimasumik atorfeqartitaasumik pisortaqarsiman-ningilaq. Pisortaqatigiilli misissuiartortunut oqaatigaat pisortaq nutaaq 1. juli 2023-mi sulilersussatut atorfinitsinneqarsimasoq.

Pisortaqatigiit naliliinerat unaavoq sulisoqarniarkkut ajornartorsiutit Ippiarsum-mi najugaqartunik paaqutarinninnermut sunniuteqarsimannngitsut. Pisortaqati-giit taartaasartut atorlugit aaqqissuussinermik atuinertik aamma paaqutarinnin-nermi eqqiaasunik igaffimmilu sulisunik peqataatitsisarnertik misissuiartortunik oqaloqateqarnerminni innersuussutigaat.

Pisortaqatigiit ilaata oqaatigaa sulisunik tigumminniinnarniarneq ajornartorsi-
taasoq, tamannalu sulisut suliassanik annertuumik piumasaqaateqarfiusunik su-
liarinninnerminni isumaqatigiissutit atuuttut tunngavigalugit tapisisarunnaarne-
rannik ilaatigut pissuteqartoq.

Immikkoortortaqarfimmi Tikitami sulisup oqaatigaa sulisut amigaa-taasut. Sulisup taassuma naliliinera unaavoq immikkoortortaqarfimmi sulisunik amerlassusiliinermi najugaqartut "paaqutarisariaqassusiat" eqqarsaatigalugu ikinaarisqarsimasoq.

Sulisup allap misissuiartortunut oqaatigaa sulisunik allanik sulinngitsoortoqarsi-
matillugu ilaanni nalunaaquittap akunnerini 16-ini pigaartuuusariaqartarsimalluni.

Najugaqartup misissuiartortunut oqaatigaa naliliinini unaasoq sulisut naammat-
tumik piffissaqarfiginngikkaanni, sulisullu amigartut.

Ilaqutaasut arlallit misissuartortunut oqaatigaat Ippiarsummi sulisut ikippallaar-tut kiisalu ajornartorsiu pingaartumik unnukkut akissarsiffinnilu malunnarner-paasartoq. Ilaqutaasut arlallit taamatuttaaq oqaatigaat sulisut taarseraattorujus-suusut, tamannalu paaqutarinninnermut pitsaanngitsumik sunniuttartoq.

Ilaqutaasup oqaatigaa anaanani unnukkut sulisut ikippallaaraangata ineeqqami-nit isersimaartarfiarnissaminut ikiorneqarneq ajortoq, taamaattumillu kisimiillu-ni ineeqqaminiikkajuttartoq. Ilaqutaasup allap taamatuttaaq oqaatigaa sulisut ikiorneqarnissani pisariaqartinnerini takuniarlugu ineeqqaminut ornigunneq ajor-nerat anaanami misigisimagaa. Ilaqutaasup taassuma pisoq oqaluttuaraa, tassa-nilu anaanaasoq sinniffimminit nakkarsimavoq, sulisullu tamanna arajutsisima-vaat, taamaattumillu anaanaa sulisumik takkuttoqarnissaata tungaanut sivisoo-rujuarmik natermiissimalluni.

8.2. Naliliineq

Pisortaqtigiit, sulisut, najugaqartup ilaquaasullu sulisunik ilinniarsimasunik ami-gaateqarneq sulisullu piffissakkaartuni sulinngitsoortarnerannik paasissutissiissu-tigisaat ernumanartutut isigaakka.

Oqaatigaara ajornartorsiu taanna utoqqarnik paaqqinniffinni assigiinngitsuni mi-sissuininni misigigajukkiga.

Kommunimit oqaaseqaatit tusaatissatut tiguakka immikkoortortarlu taanna pillugu allamik iliuuseqaqqissanngilanga.

9. Ippiarsummi sammisassaqartitsineq

9.1. Misissuinermi paasisat

Pisortaqtigiit misissuartortunut oqaatigaat sammisassaqartitsivimmi sammisa-saqartitsiniuterpassuit ingerlanneqartartut, taakkunanilu avataaneersut Ippiar-summilu najugaqartut peqataanissamut periarfissaqartut. Pisortaqtigiilli tama-tumunnga peqatigitillugu oqaatigaat sulisut immikkoortortaqarfinni najugaqar-tunut sammisassaqartitsivimmut ornigussinnaanngitsunut sammisassartitsiniar-lutik aaqqissuussinissaminut piffissaqartuaannarneq ajortut.

Pisortaqtigiiit oqaatigaat immikkoortortaqarfik Tikitaq immikkoortortaqarfimmi sammisassaqartitsinermi atortussanik pisisimasoq, najugaqartummi puigortunngortut sammisassaqartitsiviup neqeroorutaani peqataaneq ajorma-ta. Pisortaqtigiiit oqaatigaat immikkoortortaqarfiiit allat ilisimatinneqarsimasut immikkoortortaqarfimmi sammisassaqartitsinermi atortussanik taamatuttaaq pisisinnaasut.

Pisortaqtigiiit ilaata oqaatigaa najugaqartut sammisassaqartitsivimmi ingerlatani peqataaneq ajortut.

Najugaqartup oqaatigaa ingerlatanik peqataaffigineqarsinnaasunik arlalinnik peqanngitsoq. Misissuartortut paasisaat unaavoq najugaqartup taassuma ingerlatat sammisassaqartitsivimmi ingerlanneqartartut ilisimanngikkai.

Najugaqartut ilaquaasullu arlallit oqaatigaat najugaqartut illoqarfiliarusuttarluartut, piffissamili sivisunerusumi taamaaliortoqarsinnaasimanngitsoq, Ippiar suummi bussia aserorsimammat.

Ilaquaasup misissuartortunut oqaatigaa immikkoortortaqarfimmi sammisassaqartitsisoqarneq ajortoq, sammisassaqartitsiniarnerilli tamarmik sammisassaqartitsivimmi ingerlanneqartartut.

Nalunaaruusiaagallartoq tunngavigalugu kommunimit oqaatigineqarpoq misissuisoqareernerata kingornatigut Ippiarsummi najugaqartunut sammisassat arlallit, assersuutigalugu sammisaqartitsinermi atuisut, najugaqartut sulisullu peqatigalugiillutik nereqatigiittarnerit, erinarsoqatigiittarnerit qittarnerit siaasaasarnerit il.il. ingerlanneqartarlutik.

Tamatuma saniatigut kommunimit oqaatigineqarpoq Katuaq isumaqatigiissusiorfigineqarsimasoq Ippiarsummi najugallit aamma sammisassaqartitsinermi atuisut filmeriartarsinnaasut.

Kommunimittaaq oqaatigineqarpoq Ippiarsummi immikkoortortaqarfinnut sammisassatigut atortussanik pisiortortoqarsimasoq taamaalilluni immikkoortortaqarfimmi sammisaqartoqarsinnaassalluni.

Naggataatigullu kommunimit oqaatigineqarpoq sulissutigineqartoq unnukkut nerereernerup kingornatigut sammisassaqartitsiviup ammasarnissaa neqeroorutigineqartoq najugaqartunit unnukkut atorneqarsinnaanngorlugu.

9.2. Naliliineq

Misissuartortut paasiaat unaavoq Ippiarsuup immikkoortortaqarfiini sammisasaqartitsiniarluni aaqqissuussisoqarneq ajortoq, kiisalu najugaqartut ikittuaraanaat sammisassaqartitsivimmi ingerlatani peqataasartut.

Kommunimit oqaaseqaatit tusaatissatut tiguakka immikkoortortarlu taanna pillugu allamik iliuuseqaqqissanngilanga.

10. Malitseqartitsiviginneq

Ippiarsuk qinnuigaara sulisut, najugaqartut aamma ilaquaasut nalunaarusiamik matuminnga ilisimatinneqassasut.

Ippiarsuk qinnuigaara oqaatigissagaa imm. 5.2.3.-mi oqaatigisama qanoq iliuuseqarfiusimanera.

Ippiarsuk qinnuigaara paasissutissat kommunimi ingerlatsivik aqqutigalugu nassiuressagai, taamaalilluni ingerlatsivik periarfissillugu Ippiarsummit oqaatigineqartunut oqaaseqarnissaanut.

Kommunimi ingerlatsivimmut nalunaarusiap matuma assilinera ilisimatitsissutitut nassiuppara.

Nalunaarusiaq una 2023-mi ukiumoortumik nalunaarutinnut ilanngunneqassaaq aamma tamanut takusassiarineqassaaq nittartakkut www.ombudsmand.gl.-ikkut.

ILANNGUSSAT

Misissuinerup inatsiseqartitsinikkut tunngavia

Ombudsmandip sulineranut inatsiseqartitsinikkut tunngavigisaq Inatsisartut Ombudsmandiat pillugu Inatsisartut inatsisaanni (matuma kingornatigut Ombudsmandi pillugu inatsimmik taaneqartartussaq) nr. 7-imi, 1. juni 2017-imeersumi aalajangersarneqarpoq.

Inatsisartut Ombudsmandiat Inatsisartunit qinerneqartarpoq, tak. Ombudsmandi pillugu inatsimmi § 1, imm. 1, sulinerminili Inatsisartunut attuumassuteqarani, tak. § 6, imm. 1. Kalaallit Nunaanni Namminersorlutik Oqartussat kommunillu ataanni pisortat ingerlatsiviisa ilaat tamarmik Ombudsmandip sulinerani pineqartunut ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit siulliit.

Oqartussaasut inuillu Ombudsmandip sulinerani pineqartunut ilaatinneqartut inatsiseqartitsineq atuuttoq unioqqutillugu iliuuseqarnersut suliassaminnilluunniit ingerlatsinerminnut atatillugu allatigut kukkussuteqarnersut sumiginnaanersul- luunniit Ombudsmandip misissugassaraa, tak. Ombudsmandi pillugu inatsimmi § 19, imm. 1. Ombudsmandi isornartorsiusinnaavoq, inassuteqaateqarsinnaalluni suliamillu paasinninnini aamma saqqummiussinnaallugu, tak. Ombudsmandi pillugu inatsimmi § 20.

Ombudsmandi pillugu inatsimmi § 16-imi oqaaseqatigiitsigut siullertigut aalajangersarneqarpoq paaqqinniffiit suliffeqarfiilluunniit kiisalu atorfefqarfiit allat Ombudsmandip sulinerani pineqartunut ilaatinneqartut suulluunniit Ombudsmandip misissorsinnaagai. Taamatut misissuinermut atatillugu – Ombudsmandi pillugu inatsimmi §§-ini 19-imi 20-milu aalajangersarneqartut saniatigut – Ombudsmandip pissutsit paaqqinniffiup aaqqissuussaaneranut ingerlanneqarneranullu tunngasut kiisalu pissutsit paaqqinniffimmik atuisut pineqartarnerannut taakkulu pillugit ingerlatanut tunngasut inuppalaartumik misigittartumillu isiginnittaaseq aallaavigalugu naliliiffigisinnaavai, tak. Ombudsmandi pillugu inatsimmi § 16-imi oqaaseqatigiit aappaat.

NALUNAARUSIAMIK MALITSEQARTITSIVIGINNINNEQ

Kommuni e-mailikkut 30. november 2023-mi nassitsivoq misissuinermi nalunaarusiamik malitseqartitsissummik.

Ilaatigut kommunmit makkua oqaatigineqarput:

"[...]

"Kommuneqarfik Sermersuumit oqaatigineqarpoq august 2023-mi piareersaasio-riigaq pissaanermik atuisarneq pillugu inatsimmit ilitsersuineq Ippiarsummi suli-sunut tamanut ingerlanneqarsimasoq. Sulisut pingasunngorlugit gruppikkaarlugit paarlakaajaallugit inatsisip aalajangersagaanik atorneqarnissaanillu ilitsersuiffigineqarput. Tamatuma kingornatigut atsiorlutik uppermarsarpaat pissaanermik atuisarneq pillugu inatsimmik ilitsersorneqarsimallutik inatsillu tunniunneqarsi-masoq.

Ingerlatsivimiillu malitseqartinniarneqarpoq pissaanermik atuisarneq pillugu inatsimmik atuinissaq pillugu Ippiarsummi november/december 2023-mi ilinniar-titsinermik. Tamatuma saniatigut siunissami ataavartumik qaammatikkaartumik malitseqartitsisarnissap ingerlanneqalernissaa aallartinneqassaaq, Ippiarsummi pisortap tullersortaatalu ilinniartitsineq ingerlattassallugu.

Aamma ingerlatsivimmit oqaatigineqarportaaq, sulisut pisortaqtigilli eqqumaf-figinerulersimagaat pissaanermik atuinertalimmik pisimasoqarfiusuni nalunaarutiginninnerit suliarinissaat."

Allakkatigut 18. december 2023-mi kommuni Ippiarsullu nalunaarfigaakka kom-munip oqaatigisai maluginiarsimallugit, tamannalu tunngavigalugu Ippiarsummi misissuineq naammassineqartutut oqaatigalugu.